

Nukissiuutinit ataavartunit innaallagissamik sinneruttumik suliffeqarfinnut pilersuisuusunut pilersuineq tunisisarnerlu pillugit Namminersorlutik Oqartussat nalunaarutaat (nammineerluni tunisassiornermut nalunaarut)

Nukissamik pilersuineq pillugu Inatsisartut peqqussutaanni nr. 14-imi, 6. november 1997-imeersumi § 13, imm. 2 aamma § 21 naapertorlugit aalajangersarneqarpoq:

Kapitali 1

Atuuffissaq nassuiaatillu

§ 1. Nalunaarummi nukissiuutinit ataavartunit (VE-anlæg), suliffeqarfinnit pilersuisuusunit pigineqanngitsunit pilersuineranut akqusersuutinit ataatsimoorussanut innaallagissiamut sinneruttumut atassusiinissamut akiliisitsisarnermullu akuersissutit maleruagassiuunneqarput.

§ 2. Nalunaarummi pineqartunut ilaatinneqanngillat:

1) Nukissiuutit ataavartut, innaallagissamik pilersuineranut akqusersuutinit ataatsimoorussanut tunisisarnermut atorineqanngitsut.

2) Nukissiuutit ataavartut, kissamik pilersuisuusut.

Imm. 2. Nukissiuutini ataavartuni sananermut, ikkussuineranut attaviliinerimullu teknikkikkut aalajangersakkat akuersissutillu allat suut naammassineqassanersut nalunaarummi maleruagassiuunneqanngilaq, taamaattorli § 10, imm. 1, innaallagissiuutinit attaviliinerimut suliffeqarfiup pilersuisuusup piumasaqaataannut tunngasoq takuuk.

§ 3. Nalunaarummi matumani uku imatut paasineqassapput:

1) Nukissiuutit ataavartut (VE): Nukissiaq, nukissiuutit nutarterisinnaasut atorlugit tunisassiarineqartoq, taakkunungalu anori, seqineq, mallit, imeq il.il. atorlugu nukissiuutit ilaapput.

2) Nammineerluni tunisassiorloq: Nukissiuutinit ataavartunik piginnittoq

3) Pilersuinerimut akqusersuutit ataatsimoorussat: Illoqarfinni nunaqarfinniluunniit innaallagissamik siaruarterinerimut akqusersuutit, suliffeqarfinnit pilersuisumiit atuisumut innaallagissamik nuussiviusartut.

4) Suliffeqarfik pilersuisuusooq: Suliffeqarfik pilersuisuusooq, illoqarfinni nunaqarfinniluunniit

nammineerluni tunisassiortup nukissiuutiniq ataavartunik ingerlatsisuusq imaluunniit ingerlatsinissamik siunertaqartoq.

Kapitali 2

Qinnuteqartarneq

§ 4. Nukissiuutiniq ataavartunit innaallagissamik pilersuinermit aqqusersuutiniq ataatsimoortussanut pilersuinissamut tunisinissamulluunniit qinnuteqaat suliffeqarfimmut pilersuisuusumut tunniunneqassaaq. Qinnuteqaatip imarissavai:

- 1) Qinnuteqartup aqqa najugaalu imaluunniit suliffeqarfiup aqqa, najugaa CVR/GER normua attaveqarfissanullu paasissutissat.
- 2) Nukissiuutiniq ataavartunut qinnuteqaatigisanut nassuiaat, kiisalu paasissutissat allattorsimaffiat tunisassianullu nassuiaatit attuumassuteqartut.
- 3) Nukissiuutit ataavartut inissiffissaattut pilersaarutigineqartunut nalunaarsuutit.

§ 5. Suliffeqarfik pilersuisuusq nukissiuutit ataavartut § 6-imi aamma § 7-imi taaneqartunik nalinginnaasumik tunisassiornissamut piginnaaneqartut suliffeqarfimmut pilersuisuusumut innaallagissamik pilersuisinnaanersut tunisininnaanersullu aalajangiissaaq. Nukissiuutit ataavartut, § 8, imm. 1, nr. 1 – 3-mi piginnaasassatut nalinginnaasutut taaneqartut sinnerlugit piginnaasaqartut § 8 naapertorlugu suliarineqassapput.

§ 6. Nukissiuutiniq ataavartunut, nalinginnaasumik 6 kW-t sinnerlugit inoqutigiinnut ataatsinut imaluunniit suliffeqarfimmut pilersuisinnaasunut, imaluunniit 6 kW-t sinnerlugit inissiamut suliffeqarfimmulluunniit 100 m²-nik angissusillimmut pilersuisinnaasunut suliffeqarfiup pilersuisuusup nammineerluni tunisassiortoq suliffeqarfimmut pilersuisuusumut innaallagissamik pilersuinissamut tunisinissamullu akuersissuteqarfigisussaavaa, tamatumani eqqarsaatigisassat annertuut, matuma kinguliani taaneqartut peqqutaallutik itigartitsinissaq tunngavissaqarsimanngippat:

- 1) Nukissiuutit ataavartut pilersuinerup qularnaassusissaanut sunniteqarnerluppata, soorlu nukissiuutit najukkami pilersuinermit iluarsiinissamut ajornartorsiortitsippata.
 - 2) Nukissiuutiniq ataavartunik attaviliinissaq suliffeqarfiup pilersuisuusup nuussinissamut pisinnaasaq pisariaqartinneqartoq naammassiniarlugu ataatsimoortumik pilersuinermit aqqusersuutiniq alliliinissaanik sakkortunerulersitsinissaanilluunniit pisariaqartitsiviuppat.
 - 3) Qinnuteqartoq suliffeqarfimmut pilersuisuusumut akilerneqanngitsunik akiitsoqarpat.
 - 4) Nukissiuutit ataavartut najukkami pilersuinermit aningaasaqarnermit annertuumik sunniteqarnerlussappata, soorlu nukissiuutit najukkami maannakkut innaallagissamut tunisisarnermit aammalu suliffeqarfiup pilersuisuusup tunisassiorsinnaaneranut naleqqiullugu illoqarfimmi nunaqarfimmiluunniit pilersuinermit aningaasaqarnermit annertuumik ajorseriartitsissappata.
- Imm. 2.* Imm. 1, nr. 1-4-mi eqqarsaatigisassat annertuut saniatigut pissutissaqartoqarpat, suliffeqarfik pilersuisuusq itigartitsinissaavoq.
- Imm. 3.* § 6-imi pissutsit nassuiarneqartut arlaat qinnuteqaammik itigartitsinermit tunngaviusimanersq pillugu suliffeqarfiup pilersuisuusup qinnuteqartoq nalunaarfigisavaa.

§ 7. Nukissiuutitut ataavartunut, nalinginnaasumik 6kW-t sinnerlugit inoqutigiinnut ataatsinut imaluunniit suliffeqarfimmut pilersuisinnaasunut, imaluunniit 6 kW-t sinnerlugit inissiamut suliffeqarfimmulluunniit 100 m²-nik angissusilimmut pilersuisinnaasunut suliffeqarfiup pilersuisuusup nammineerluni tunisassiorloq suliffeqarfimmut pilersuisuusumut innaallagissamik pilersuinissamut tunisinissamullu akuersissuteqarfigisinnaavaa, tamatumani eqqarsaatigisassat annertuut, matuma kinguliani taaneqartut peqqutaallutik itigartitsinissaq tunngavissaqanngippat:

- 1) Nukissiuutit ataavartut pilersuinerup isumannaassusissaanut sunniuteqarnerluppata, soorlu nukissiuutit najukkami pilersuinermi iluarsiinissamut ajornartorsiortitsippata.
- 2) Nukissiuutit ataavartut attaviliinissaq suliffeqarfiup pilersuisuusup nuussinissamut pisinnaasaq pisariaqartinneqartoq naammassiniarlugu ataatsimoortumik pilersuinerup atqarsuutit alliliinissaanik sakkortunerulersitsinissaanilluunniit pisariaqartitsiviuppat.
- 3) Qinnuteqartoq suliffeqarfimmut pilersuisuusumut akilerneqanngitsunik akiitsoqarpat.
- 4) Nukissiuutit ataavartut najukkami pilersuinermi aningaasaqarnerup annertuumik sunniuteqarnerluppata, soorlu nukissiuutit najukkami maanna atuinerusumut aammalu suliffeqarfiup pilersuisuusup tunisassiorsinnaaneranut naleqqiullugu illoqarfimmi nunaqarfimmiluunniit pilersuinerup aningaasaqarnerup annertuumik ajorseriartitsissappata.

Imm. 2. Imm. 1, nr. 1-4-mi eqqarsaatigisassat annertuut saniatigut pissutissaqartoqarpat, suliffeqarfik pilersuisuusup itigartitsinnaavoq.

Imm. 3. § 7-imi pissutit nassuiarneqartut arlaat qinnuteqaammik itigartitsinermut tunngaviusimanersup pillugu suliffeqarfiup pilersuisuusup qinnuteqartoq nalunaarfigissavaa.

§ 8. Nukissiuutit ataavartut nalinginnaasumik piginnaaneqartut innaallagissiaanik sinneruttumik suliffeqarfimmut pilersuisuusumut pilersuinissamut tunisinissamullu Naalakkersuisut akuersissuteqarsinnaapput, uku qaangerneqarpat:

- 1) Seqernerup qinngornerinik innaallagissiuutini aamma erngup nukinganik innaallagissiuutini 50 kW.
- 2) Anorisaatini 25 kW.
- 3) Nukissiuutini ataavartut nr. 1-imi imaluunniit 2-mi taaneqanngitsuni 11 kW.

§ 9. Akuersissummut atuuttumut, §§ 4-7 naapertorlugit suliarineqarsimasumut naleqqiullugu annertuunik allannguuteqartoqarsimappat, suliffeqarfik pilersuisuusup akuersissummik allanngortitsinissamut atorunnaarsitsinissamulluunniit periarfissaqarpoq. Allannguutit annertuut tassaasinnaapput, najukkami innallagissamik pilersuinerup uulia atorlugu innaallagissiornermiit erngup nukinga atorlugu innaallagissiornerup allanngortitsineq imaluunniit najukkami pilersuinerup aningaasaqarnerup annertuumik allannguuteqarnera.

Imm. 2. Suliffeqarfiup pilersuisuusup allannguutit imaluunniit akuersissutit atorunnaarsinneqarnissaa pillugu atuutsitsisoqalernissaa sioqqullugu sivikinnerpaamik qaammatinik arfinilinnik sioqqutsilluni nammineerluni tunisassiorloq nalunaarfigissavaa.

Kapitali 3

Akuersissutit akuersissuteqarnermullu piumasaqaatit

§ 10. Suliffeqarfik pilersuisuusoq nukissiuutit ataavartut pilersuinnermut aqquersuutitut ataatsimoorussanut attavilerneqarnissanut akuersissuteqarnissamut piumasaqaatinik aalajangersaasinnaavoq. Piumasaqaatit tassaasinnaapput:

- 1) Nukissiuutitut ataavartunut attaviliineq qanoq suliarineqassanersoq.
- 2) Nukissiuutitut ataavartunut atasumik innaallagissamut uuttuummik ikkussisoqartussaasoq.
- 3) Innaallagissap qamittoornerani, innaallagissap sakkortussusissaata ajoquteqarnerani il.il. suliffeqarfiup pilersuisuusup sulisuisa tikissinnaasaanik qamittaasiisoqassasoq.

Imm. 2. Innaallagissamut pilersuissutaasumut akiliisoqassanngitsoq suliffeqarfik pilersuisuusoq aalajangiisinnavaq, matumani uku atorineqarpata:

- 1) Atortoq misileraataasoq imaluunniit takusassiaasoq.
- 2) Nukissiuutit ataavartut sumiiffimmi pingaartumik nukissiuutit ataavartut atorlugit, soorlu erngup nukinga atorlugu, pilersuiffusumut inissinneqarsimappata.

Kapitali 4

Innaallagissamut suliffeqarfimmut pilersuisuusumut tunineqartumut akiligassat naatsorsorneqartarneri naatsorsuinnermullu akit

§ 11. Innaallagissamut tunineqartumut akiligassanik naatsorsuisoqartassappat, § 10, imm. 2 naapertorlugu innaallagissamut uuttusiisoqassaaq, innaallagissamik innaallagissamut aqquersuutitut ataatsimoorussanut tunineqartumik uuttuinnermut atorineqartussamik. Innaallagissamut akiligassat akiligassanik naatsorsuisarnermut akit, § 12 naapertorlugu aalajangersarneqartut malillugit naatsorsorneqassapput.

Imm. 2. Suliffeqarfiup pilersuisuusoq tuniniaanermut pilersuinnermullu piumasaqaatini akiligassat qanoq iliorluni naatsorsorneqartarnissaannut aalajangersakkanik sukumiisunik aalajangersaasinnaavoq, tassungalu ilaavoq innaallagissamut tunineqartumut akiligassanut naatsorsukkat atuisup innaallagissamut akiligassaanut, aammalu qanoq akulikitsigisumik naatsorsorneqartarneranut naleqqiullugu naatsorsorneqartarnera.

§ 12. Suliffeqarfiup pilersuisuusup VE atorlugu innaallagissamut akit, suliffeqarfiup akinut allattuiffianut assigisaanulluunniit aalajangersassavai. Suliffeqarfiup akit pilersuisuusup periaatsit marluusut, nalunaarummut ilanngussaq 1-imi aalajangersarneqarsimasut aappaa malillugu aalajangersartussaavai.

Kapitali 5

Akuersissutitik atuutsitsineq

§ 13. Nammineerluni tunisassiornermi §§ 5-8 naapertorlugu akuersissummik, aammalu piumasaqaatinik akuersissummi aalajangersarneqarsimasunik sumiginnaasoqarnerani, suliffeqarfik pilersuisuusoq pissutsinik aaqqiinissamik nammineerluni tunisassiortumut peqqusisinnavaq. Suliffeqarfik pilersuisuusoq nammineerluni tunisassiortup pissutsinik aaqqiisinnanissaanut piffissamik naammaginatut sivilissusilimmik aalajangersaassaaq. Piffissaliussatut aalajangersarneqartup iluani nammineerluni tunisassiortup pissutsit iluarsisimanngippagit, suliffeqarfiup pilersuisuusup akuersissut utertissinnaavaa atorullu attaveersinnaallugit.

Imm. 2. Suliffeqarfiup pilersuisuusup sumiginnaasoqarnerani peqqussutai, suliffeqarfiup pilersuisuusup tuniniaanermut pilersuinernullu piumasaqaataani sukkulluunniit atuuttuni aalajangersarneqartut aamma atorneqassapput.

Imm. 3. Pilersuinerup isumannaassusiani eqqarsaatigisassani pingaarutilinni pisariaqartinneqarpat, imaluunniit akuersissummi piumasaqaatinik annertuumik unioqqutitsisoqarpat, suliffeqarfiup pilersuisuusup nammineerluni nukissiuutit ataavartut attaveersinnaavai, erniinnaartumillu akuersissut utertissinnaallugu.

Kapitali 6

Suliffeqarfiit pilersuisuusut akigititaat

§ 14. Suliffeqarfiit pilersuisuusut qinnuteqaammik suliaqarnermut akinik aalajangersaasinnaapput. Suliffeqarfiit pilersuisuusut akigititaanni suliffeqarfiup pilersuisuusup tuniniaanermut pilersuinernullu piumasaqaatai allassimassapput.

Imm. 2. Suliffeqarfik pilersuisuusooq innaallagissamut uuttuummik, nammineerluni tunisassiornermi innaallagissiamik sinneruttumik uuttuinermit atorneqartussamik ikkussinermit akinik aalajangersaassanngilaq.

Kapitali 7

Maalaaruteqarnissamut aalajangersakkat

§ 15. Nalunaarut manna naapertorlugu suliffeqarfiit pilersuisuusut aalajangiineri peqqussutaallu pillugit maalaarutit Naalakkersuisunut tunniunneqarsinnaapput.

Imm. 2. Naalakkersuisunut maalaarut atuuttussanngortitsinermit kinguneqassanngilaq.

Imm. 3. Maalaarutit tunngavilersugaassapput, aammalu aalajangiinerup maalaarutigineqartup assilineranik ilallugit Attaveqarnermut Pinngortitamullu Naalakkersuisoqarfimmut nassiunneqassallutik.

Kapitali 8

Atuutsitsilernermit aalajangersakkat

§ 16. Nalunaarut 1. januar 2014-imi atuutilerpoq.

Namminersorlutik Oqartussat, ulloq 9. december 2013

Kim Kielsen

/

Søren Stach Nielsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut